

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

“Коми Республика мутасын челядя семьяяслы социальной отсөг сетан содтөд мераяс йылысь” Коми Республикаса Оланпасө вежсьөмьяс пыртөм йылысь

Примитөма Коми Республикаса

Каналан Сөветөн

2020 вося лөддза-номья тöлысь 10 лунö

1 статья. Пыртны “Коми Республика мутасын челядя семьяяслы социальной отсөг сетан содтөд мераяс йылысь” Коми Республикаса Оланпасө (Коми Республикаса канму власьт органьяслөн индөд-тшöктöмьяс, 2011, 14 №, 353 ст.; 36 №, 908 ст.; 47 №, 1335 ст.; 2012, 7 №, 171 ст.; 2013, 32 №, 578 ст.; 2014, 9 №, 119 ст.; 14 №, 243 ст.; 33 №, 672 ст.; 2015, 8 №, 92 ст.; 2016, 17 №, 221 ст.; 18 №, 260 ст.; 2017, 9 №, 148 ст.; 27 №, 487 ст.; 2018, 17 №, 305 ст.; 2019, 15 №, 206 ст.) татшöм вежсьöмьяс:

1. 1 статьяса 2 пунктын “бать либö мам,” кывьяс бöрын содтыны “пи (ныв) пыдди босьтысь,” кывьяс.

2. 2 статьяын:

1) 1 – 5 юкөнъяс гижны тадзи:

“1. Социальной отсөг содтөд мераяс вылö инöд лоö кага (челядь) чужигөн (пи (ныв) пыдди босьтигөн, кодьяслөн эм (эмось) Россия Федерацияса гражданство, татшöм Россия Федерацияса гражданалөн, кодьяс олöны Коми Республикаын:

1) аньяс, кодьяс чужтисны (пи (ныв) пыдди босьтисны) кагасö 2011 вося тöвшöр тöлысь 1 лун заводитчöмсянь, кодi лоö коймöд кагаөн;

2) аньяс, кодьяс чужтисны (пи (ныв) пыдди босьтисны) кагасö 2011 вося тöвшöр тöлысь 1 лун заводитчöмсянь, кодi лоö нельöд либö водзö лысь

кагаон, водзынджык кӧ найӧ эз вӧдитчыны социальной отсӧг содтӧд мераяс вылӧ инӧдӧн тайӧ юкӧнса 1 пункт серти;

3) мужичӧйяс, кодъяс лоӧны коймӧд, нельӧд кагалы либӧ водзӧ лоысь челядьлы пи (ныв) пыдди дзик ӧти босьтысьӧн, водзынджык кӧ найӧ эз вӧдитчыны социальной отсӧг содтӧд мераяс вылӧ инӧдӧн, кор пи (ныв) пыдди босьтӧм йылысь ёрдлӧн решениеыс вынсяліс 2011 вося тӧвшӧр тӧлысь 1 лун заводитчӧмсянь;

4) аньяс, кодъяс чужтісны (пи (ныв) пыдди босьтісны) медводдза кагасӧ 2020 вося тӧвшӧр тӧлысь 1 лун заводитчӧмсянь;

5) мужичӧйяс, кодъяс лоӧны медводдза кагалы пи (ныв) пыдди дзик ӧти босьтысьӧн, водзынджык кӧ найӧ эз вӧдитчыны социальной отсӧг содтӧд мераяс вылӧ инӧдӧн, кор пи (ныв) пыдди босьтӧм йылысь ёрдлӧн решениеыс вынсяліс 2020 вося тӧвшӧр тӧлысь 1 лун заводитчӧмсянь.

2. Сэк, кор социальной отсӧг содтӧд мераяс вылӧ инӧдыс лоӧ тайӧ статьяса 1 юкӧнын индӧм йӧзлӧн, лыд вылӧ оз босьтны челядьӧс, кодъяс серти тайӧ йӧзсӧ мездӧма бать-мамлӧн инӧдысь (сэтшӧм челядьысь кындзи, кодъяс серти тайӧ йӧзлы бергӧдӧма бать-мамлысь инӧдсӧ) либӧ кодъяс серти киритӧма пи (ныв) пыдди босьтӧмсӧ, а сідзжӧ пи (ныв) пыдди босьтӧм челядь, кодъяс пи (ныв) пыдди босьтан кад вылӧ вӧлісны тайӧ йӧзлӧн тьӧтпом пиянӧн либӧ тьӧтпом нывьясӧн.

3. Тайӧ статьялӧн 1 юкӧнса 1 да 2 пунктъясын индӧм аньяслӧн социальной отсӧг содтӧд мера вылӧ инӧдсӧ дугӧдӧны да лоӧ инӧдыс кага бательӧн (пи (ныв) пыдди босьтысьлӧн) Россия Федерацияса гражданство вылӧ либӧ гражданствотӧм мортлӧн статус вылӧ видзӧдтӧг сэк, кор ань кувсьӧ, лыддьӧны сійӧс кувсьӧмаӧн, мездӧны бать-мамлӧн инӧдысь кага серти, кодлӧн чужӧмкӧд йитӧдын лоис социальной отсӧг содтӧд мераяс вылӧ инӧд, мыждӧма аслас кага (челядь) серти водзвыв лӧсьӧдӧмӧн мыж вӧчӧмысь, мый йитчӧ личносътлы паныд мыж вӧчӧмкӧд, кор мыждӧмалӧмсӧ абу киритӧма либӧ абу вештӧма федеральной оланпастэчасӧн урчитӧм пӧрадок серти, а сідзжӧ сэк, кор киритӧны кага пи (ныв) пыдди босьтӧмсӧ,

кодос пи (ныв) пыдди босьтөм вöсна лоис социальной отсөг содтөд мераяс вылө инөдыс. Социальной отсөг содтөд мераяс вылө инөдыс индөм мортлөн оз ло, тайө кө мортыс лоө дядьөн воддза кага серти, öта-мөд бөрся кодлысь чужөмсө (пи (ныв) пыдди босьтөмсө) лыддьöны социальной отсөг содтөд мераяс вылө инөд лоигөн, а сідзжө сэк, кор кагасө, кодлөн чужөмкөд (пи (ныв) пыдди босьтөмкөд) йитөдын лоис социальной отсөг содтөд мераяс вылө инөдыс, лыддьöны Россия Федерацияса семейнөй кодексөн урчитөм пöрадок серти тайө статьяса 1 юкөнлөн 1 либө 2 пунктын индөм ань кувсьөм бөрын бать-мам дөзьөртөг кольөмаөн.

3¹. Тайө статьялөн 1 юкөнса 4 пунктын индөм аньяслөн социальной отсөг содтөд мера вылө инөдсө дугөдöны да лоө инөдыс кага батылөн (пи (ныв) пыдди босьтысьлөн) Россия Федерацияса гражданство вылө либө гражданствотөм мортлөн статус вылө видзөдтөг сэк, кор ань кувсьө, лыддьöны сійөс кувсьөмаөн, мездöны бать-мамлөн инөдысь кага серти, кодлөн чужөмкөд йитөдын лоис социальной отсөг содтөд мераяс вылө инөд, мыждөма аслас кага серти водзвыв лөсьөдөмөн мыж вөчөмысь, мый йитчө личносътлы паныд мыж вөчөмкөд, кор мыждөмалөмсө абу киритөма либө абу вештөма федеральной оланпастэчасөн урчитөм пöрадок серти, а сідзжө сэк, кор киритöны кага пи (ныв) пыдди босьтөмсө, кодос пи (ныв) пыдди босьтөм вöсна лоис социальной отсөг содтөд мераяс вылө инөдыс. Социальной отсөг содтөд мераяс вылө инөдыс индөм мортлөн оз ло, кор кагасө, кодлөн чужөмкөд (пи (ныв) пыдди босьтөмкөд) йитөдын лоис социальной отсөг содтөд мераяс вылө инөдыс, лыддьöны Россия Федерацияса семейнөй кодексөн урчитөм пöрадок серти тайө статьяса 1 юкөнлөн 4 пунктын индөм ань кувсьөм бөрын бать-мам дөзьөртөг кольөмаөн.

4. Сэтшөм случай дырйи, кор кагалысь батысь (пи (ныв) пыдди босьтысьсө), кодлөн тайө статьяса 3, 3¹ юкөнъяс серти лоис социальной отсөг содтөд мераяс вылө инөд, либө мужичөй, коді лоө кагаос пи (ныв) пыдди дзик öти босьтысьөн, кувсис, лыддьöма кувсьөмөн, мездөма бать-мамлөн

инӧдысь кага серти, кодлӧн чужӧмкӧд йитӧдын лоис инӧд социальной отсӧг содтӧд мераяс вылӧ, мыждӧма аслас кага (челядь) серти водзвыв лӧсьӧдӧмӧн мыж вӧчӧмысь, мый йитчӧ личносътлы паныд мыж вӧчӧмкӧд, кор мыждӧмалӧмсӧ абу киритӧма либӧ абу вештӧма федеральной оланпастэчасӧн урчитӧм пӧрадок серти, либӧ индӧм йӧз серти киритӧма кага пи (ныв) пыдди босьтӧмсӧ, кодӧс пи (ныв) пыдди босьтӧм вӧсна лоис социальной отсӧг содтӧд мераяс вылӧ инӧдыс, сэки сылӧн социальной отсӧг содтӧд мераяс вылӧ инӧдыс дугӧдсьӧ да лоӧ тыр арлыдтӧм кагалӧн (челядьлӧн ӧткодь пайӧн) да (либӧ) тыр арлыда кагалӧн (челядьлӧн ӧткодь пайӧн), кодӧ велӧдчӧ (кодъяс велӧдчӧны) очнӧя йӧзӧс велӧдан организацияын (содтӧд тӧдӧмлун сетан организация кындзи) татшӧм велӧдчӧмсӧ помавтӧдз, но 23 арӧс сыӧн тыртӧмысь абу дырджык вылӧ.

5. Социальной отсӧг сетан содтӧд мераяс вылӧ инӧдыс лоӧ тайӧ статьяса 4 юкӧнын индӧм кагалӧн (ӧткодь пайӧн Челядьлӧн) сэк, кор аньыс, кодлӧн социальной отсӧг сетан содтӧд мераяс вылӧ инӧдыс бырис тайӧ статьяса 3, 3¹ юкӧнъясын индӧм подувъяс вӧсна, вӧлі кагалӧн дзик ӧти родительӧн (пи (ныв) пыдди босьтысьӧн), кодӧ чужӧмкӧд (пи (ныв) пыдди босьтӧмкӧд) йитӧдын лоис социальной отсӧг сетан содтӧд мераяс вылӧ инӧдыс, либӧ сэк, кор кага (челядь) батылӧн (пи (ныв) пыдди босьтысьлӧн) эз ло социальной отсӧг сетан содтӧд мераяс вылӧ инӧдыс тайӧ статьяса 3, 3¹ юкӧнъясын индӧм подувъяс вӧсна.”;

2) 7 юкӧнын “чужӧмсянь” кыв бӧрын содтыны “(пи (ныв) пыдди босьтӧмсянь)” кывъяс.

3. 5 статьяын:

1) 2 да 6 юкӧнъясын “чужӧмсянь” кыв бӧрын содтыны “(пи (ныв) пыдди босьтӧмсянь)” кывъяс.

2) 7 юкӧнса 5 да 6 пунктъясын, 7¹ юкӧнын “батылӧн либӧ мамлӧн (бать-мамлӧн)” кывъяс вежны “батылӧн либӧ мамлӧн (бать-мамлӧн) либӧ пи (ныв) пыдди босьтысьлӧн (пи (ныв) пыдди босьтысьяслӧн)” кывъясӧн;

3) 8 юкӧн гижны тадзи:

“8. Сэк, кор сертификатсö босьтöны йöз, кодъясöс индöма тайö Оланпаслөн 2 статьяса 1 юкөнлөн 1, 2 либö 4 пунктъясын, öтчыдысь мынтöм сьöмсö тайö статьяса 7 да 7² юкөнъясын индöм нырвизьяс серти 25 000 шайтысь оз унджык вермö видзны кагалөн батыс (пи (ныв) пыдди босьтысьыс) сöмын сэк, кор тайö Оланпаслөн 2 статьяса 1 юкөнлөн 1, 2 либö 4 пунктъясын индöм йöзыс гижöмөн сöгласитчöны нотариальнöя либö оланпастэчасөн урчитöм мöд ногөн эскöдöмөн.”.

4. 6 статьяса 4 юкөн гижны тадзи:

“4. Мортлы, кодi босьтiс сертификат, сылөн верöслы (гöтырлы) колö оформитны олан жырсö, кутшöмöс ньöбöма (стрöитöма, выльмöдöма) дiнмуса семейнöй капиталлөн сьöм (сьöм юкөн) вылö тайö мортлөн, сылөн верöслөн (гöтырлөн), челядълөн (сы лыдын медводдза, мöд, коймöд кагалөн да водзö лысь челядълөн) öтувья эмбурö пайяссö сёрнитчöм серти арталöмөн.”.

5. 10 статьяса 1 юкөнлөн коймöд да нельöд абзацьясын “чужöмкöд” кыв бöрын содтыны “(пи (ныв) пыдди босьтöмкöд)” кывьяс.

2 статья. Тайö Оланпасыс вынсялö сийöс официальнöя йöзöдöм бöрын дас лун кольöм мысти.

Коми Республикаса Веськöдлан котырлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысьлысь
могьяс недыр кадколастö збыльмöдысь

В.В. Уйба

Сыктывкар
2020 вося лöддза-номъя тöлысь 18 лун
38-РЗ №